

隨州志

地 260.33

138

部 = 4

同治八年重修

同治八年重修

板藏文昌宮

隨州志卷十一

學校

社學書院考棚賓興鄉飲講約典禮附



古者黨有庠里有序所以明人倫而廣教化也宋以後郡縣皆立學我

朝增修典禮釐定樂章崇儒重道臻美於前多士幸際

右文宜何如砥躬礪節以副

聖天子鐘鼓辟雍之雅化也其社學書院諸興皆作養人材之助因類附焉

學宮在東門外龍會門內舊志稱為宋元遺址重建於明

隨州志

卷十一

學校

洪武十四年永樂中頒書籍設祭器立射圃以彰六藝之教制度咸備至萬歷初當事以形家言遷入城中官廨左改舊學為書院明末寇亂城陷宮牆盡毀順治十五年諸生王開基謝聖恩時際春李之楨等呈請巡按李贊元疏請復建知州陳秉化吏目陳世謐董其事乾隆十二年攝知州事王雲翔因士民請復遷於城外龍會門

道光十年大成殿剝朽知州呂恂倡捐修理邑人黃毅士董勸工資

道光十六年邑人陳昌齡呈請捐貲補葺

咸豐十年邑人羅輝緒呈請捐貲修飾

咸豐十一年粵逆陷城宮牆盡毀

按城外學宮舊祀以木像不知創自何時明萬曆癸丑遷學於城內而像未移留五楹以覆之乾隆十二年仍徙學於舊地章袞重新威靈宛在觀者莫不肅然起敬咸豐十一年遽毀於賊深堪憤恨

同治五年道銜陳昌齡運同銜金谿縣知縣羅榮緒蒲圻縣教諭詹翹楚教諭程子瓚周德昌中書銜施鴻軒程

隨州志

卷十一

學校

三

兆南運同銜安徽候補知縣蕭慶鏞訓導余懋卿黃古賢陳湘蘭布經歷童啟堂同知銜楊清溥等以城外地勢卑溼呈請仍於城內舊基重建署知州文齡學正胡孚嘉訓導張道南會集紳耆督辦基內民房給價折毀同治六年三月知州潘亮功督率紳耆於小南門內州署左建

大成殿殿左門曰聖域南夾室三楹爲祭器所殿右門曰賢關南夾室三楹爲樂器所再南東廡五楹西廡五楹殿基深一丈一尺臺崇九尺周十九丈二尺高五丈八

尺殿前堂臺崇五尺環以石欄上立

御製碑中列

御道丹墀前為大成門左名宦祠右鄉賢祠大成門外石坊為櫺星門上鑄魁星石像門前內泮池繫以石橋左尊經閣右更衣廳周以紅牆左門曰義路右門曰禮門門外建東西二坊上題德配天地道冠古今前建甬壁壁前為外泮

大成殿後建崇聖祠三楹東西二齋神厨饌堂具備至聖先師孔子神位

隨州志

卷十一

學校

三

木主高二尺三寸七分濶四寸厚七分座高四寸長七寸厚三寸四分四配主高一尺五寸濶三寸二分十二哲兩廡高一尺四寸濶二寸六分厚五分座高二寸六分長四寸厚二寸

東配

復聖顏子

字子淵魯人魏正始二年配享唐稱亞聖元至順元年稱復聖公

述聖子思子

宋大觀二年從祀端平二年升十哲咸淳三年配享元至順元年稱述聖公

西配

宗聖曾子

字子輿南武城人唐乾封元年入祀宋咸淳三年配享元至順元年稱宗聖公

亞聖孟子

字子輿一字子車鄒人宋元豐七年配享元至順元年稱亞聖公

以上配位宋以前皆稱封爵元至順元年贈顏子充國復聖公會子郈國宗聖公子思子沂國述聖公孟子鄒國亞聖公明嘉靖九年改稱復聖顏子宗聖曾子述聖子思子亞聖孟子

國朝因之

東哲

先賢閔子

損字子騫魯人唐開元八年從祀

先賢冉子

耕字伯牛魯人唐開元八年從祀

隨州志

卷十一

學校

四

先賢端木子

賜字子貢衛人唐開元八年從祀

先賢仲子

由字子路一字季路卞人唐開元八年從祀

先賢卜子

商字子夏衛人一日溫國人唐貞觀二十一年從祀稱先儒開元八年升十哲未熙甯七年州縣皆

升十哲

先賢有子

若字子有或作子若魯人唐開元八年從祀 國朝乾隆三年升列哲位

西哲

先賢冉子

雍字仲弓伯牛之族唐開元八年從祀

先賢宰子

予字子我魯人唐開元八年從祀

先賢冉子

求字子有仲弓之族唐開元八年從祀

先賢言子 偃字子游吳人唐開元八年從祀

先賢顓孫子 師字子張陳人唐開元八年從祀宋咸淳三年升配十哲

先賢朱子 熹字仲晦婺源人諡文宋淳祐元年從祀明崇禎十五年與周程張邵並改稱先賢位七十子下 國朝康熙五十一年升配

以上哲位宋以前皆稱封爵明嘉靖九年改稱先賢

某子

國朝因之有子朱子升列哲位從一例

東廡先賢 四十位

先賢公孫僑 字子產鄭人 國朝咸豐七年從祀

隨州志 卷十一 學校 五

先賢林放 字子邱魯人家語史記無文翁石壁有明嘉靖九年改祀於鄉 國朝雍正二年從祀

先賢原憲 字子思宋人鄭康成曰魯人檀弓作仲憲

先賢南宮适 家語作緇史記作括並字子容魯人或疑敬叔非

先賢商瞿 字子木魯人

先賢漆雕開 字子若史記作子開蔡人鄭云魯人

先賢司馬耕 字子牛宋人家語名犁耕

先賢梁鱣 一作鯉字叔魚齊人

先賢冉孺 字子魯亦作子曾家語作冉孺字子魚魯人

先賢伯虔 古本家語作伯處字子皙史記作子析今本家語作子楷魯人

先賢冉季 字子產魯人

先賢漆雕徒父 家語作漆雕從字子文或作子有或作子友魯人

先賢漆雕哆 字子斂魯人今本家語哆作侈

先賢公西赤 字子華魯人

先賢任不齊 字子選史記字選魯人

先賢公良孺 字子正陳人或作公良儒

先賢公肩定 家語作公肩字子重一作子仲史記作公堅定字子中魯人或曰衛人晉人

先賢鄒單 或作鄒單字子家魯人家語無史記有

先賢罕父黑 古本家語史記皆字子索或作子素今本家語作宰父黑字子黑魯人

隨州志

卷十一 學校

先賢榮旂 家語作祈字子祺亦作子祈古本家語字子顏魯人

先賢左人郢 字行家語作左郢字子行魯人左人以官為姓

先賢鄭國 字子徒魯人家語作薛邦字子從或云鄭人或以為兩人

先賢原亢 字子籍史記作原亢籍正義亢作冗仁勇反古本家語作伉字籍一作原桃魯人

先賢廉潔 史記古本家語皆作絜字庸亦字子庸今本家語字子曹衛人

先賢叔仲會 叔仲氏字子期會一作會魯人鄭氏云晉人

先賢公西與如 字子上今本家語作公西與魯人

先賢邾巽 字子斂家語邾選魯人一作邾巽文翁作國選避漢諱

先賢陳亢 說文作伉字子禽亦字子亢陳人家語有史記無

先賢琴張家語年字子開一字張衛人史記無

先賢步叔乘字子車齊人一作少叔乘廣韻注步叔複姓

先賢秦非字子之魯人

先賢顏噲字子聲魯人 以上唐開元二十七年從祀

先賢顏何字冉魯人古本家語以字稱今本無史記有明嘉靖元年罷祀 國朝雍正二年復祀

先賢縣亶字子象魯人索隱作縣豐廣韻注作縣亶父家語有史記無或云卽鄒單也檀弓有縣子

國朝雍正二年增祀

先賢牧皮家語史記皆不載趙岐曰牧皮與琴張曾皙皆事孔子學者也 國朝雍正二年增祀

先賢樂正克孟子弟子趙岐曰周人 國朝雍正二年增祀

隨州志

卷十一

學校

先賢萬章齊人 國朝雍正二年增祀

先賢周敦頤字茂叔宋道州人諡元宋高祐元年從祀明崇禎十五年改稱先賢

先賢程灝字伯淳宋河南人稱明道先生諡純宋高祐元年從祀明崇禎十五年改稱先賢

先賢邵雍字堯夫宋河南人諡康節宋咸淳三年從祀明崇禎十五年改稱先賢

西廡先賢三十九位

先賢蘧瑗字伯玉衛人家語史記無文翁石壁有明嘉靖九年改祀於鄉 國朝雍正二年復祀

先賢澹臺滅明字子羽魯武城人 以下諸弟子唐開元二十七年從祀

先賢宓不齊字子賤魯人

先賢公冶長字子長范甯云字子芝魯人史記作齊人古本家語作公冶長

先賢公皙哀 字季次家語字季沈哀一作克齊人

先賢高柴 字子羔左傳季羔檀弓子皋齊人

先賢樊須 字子遲魯人鄭康成曰齊人

先賢商澤 家語字子秀一作子季魯人

先賢巫馬施 家語作期字子期史記字子旗陳人

先賢顏辛 史記作幸一作柳一作章字子柳魯人

先賢曹卹 字子循蔡人

先賢公孫龍 字子石古本家語龍作寵衛人鄭云楚人正義趙人

先賢秦商 今本家語字不慈古本字丕茲史記作子丕魯人

隨州志

卷十一

學校

先賢顏高 字子驕家語作顏刻又名菟魯人

先賢壤駟赤 字子徒家語壤作穰字子從秦人

先賢石作蜀 字子明古本家語石之蜀今木石子蜀秦之成紀人

先賢公夏首 字乘家語公夏守字子乘魯人

先賢后處 字子里齊人家語字里之后謨石

先賢奚容蒧 字子皙家語作奚蒧字子偕一作子楷魯人正義曰衛人或曰魯奚仲之後

先賢顏祖 字襄史記有古本家語無今本作顏相字子襄魯人

先賢句井疆 今本家語字子界古本子疆衛人

先賢秦祖 字子南秦人

先賢縣成 字子祺今本家語作子橫魯人

先賢公祖句茲 家語作公祖茲字子之魯人

先賢燕伋 字思古本家語作燕級字子思秦人

先賢樂欬 家語作欣字子聲魯人

先賢狄黑 史記字皙一作子皙家語作皙之皙或作哲衛人

先賢孔忠 今本家語作弗字子茂孔子兄孟皮子

先賢公西蒧 史記字子上家語作子尚魯人

先賢顏之僕 字子叔魯人

先賢施之常 字子恒家語作子常魯人以上唐開元二十七年從祀

隨州志 卷十一 學校 九

先賢申枏 家語作申績又作績字子周史記申黨又作績棠字周魯人即申枏也明嘉靖九年去申

黨存申枏

先賢左邱明 字子明魯太史唐貞觀二十一年配祀稱先儒明崇禎十五年改先賢位七十子下

先賢秦冉 字開或作子開魯人家語無史記有明嘉靖九年罷祀國朝雍正二年復祀

先賢公明儀 國朝同治三年從祀

先賢公都子 齊人國朝雍正二年增祀

先賢公孫丑 齊人國朝雍正二年增祀

先賢張載 字子厚宋大梁人遷郿縣稱橫渠先生謚明宋高宗元年從祀明崇禎十五年改稱先賢

先賢程頤 字正叔明道先生弟稱伊川先生謚正宋高宗元年從祀明崇禎十五年改稱先賢

以上先賢位宋以前從祀者皆稱封爵明嘉靖九年
改稱先賢某子周張程邵五子嘉靖時稱先儒崇禎
十五年改稱先賢位在七十子之下漢唐諸儒之上
國朝俱稱先賢不稱子

東廡先儒 三十一位

先儒公羊高 春秋時齊人唐貞觀二十一年配祀

先儒伏勝 字子賤秦時濟南人唐貞觀二十一年配祀

先儒毛亨 年無考授詩於荀卿以授毛萇按史記楚考烈王二十五年荀卿廢居蘭陵距漢興三十年太平御覽引毛詩正義云荀卿授漢人魯國毛亨則是秦漢間人 國朝同治二年

隨州志

卷十一

學校

十

從祀

先儒孔安國 字子國先聖十一世孫漢武帝時為博士侍中唐貞觀二十一年配祀原西廡移東廡

廡

先儒后蒼 字近君漢東海鄉人宣帝時為博士明嘉靖九年從祀

先儒鄭康成 漢高密人永建二年生建安五年卒年七十四唐貞觀二十一年從祀明嘉靖九年

改祀於鄉 國朝 雍正二年復祀

先儒范甯 字武子晉南陽人咸康五年生隆安五年卒年六十三唐貞觀二十一年配祀明嘉靖九年

年改祀於鄉 國朝 雍正二年復祀

先儒陸贄 字敬輿唐嘉興人諡宣天寶十三年生永貞元年卒年五十二 國朝道光六年從祀

先儒范仲淹 字希文 宋吳縣人 諡文正 端拱二年生 皇祐四年卒 年六十四 國朝康熙五十四年從祀

先儒歐陽修 字永叔 宋廬陵人 諡文忠 景德四年生 熙寧五年卒 年六十六 明嘉靖九年從祀

先儒司馬光 字君實 宋陝州夏縣人 諡文正 天禧三年生 元祐元年卒 年六十八 咸淳三年從祀

先儒謝良佐 字顯道 宋上蔡人 元豐八年進士 與楊時同稱程門四先生 國朝道光二十九年從祀

先儒羅從彥 字仲素 宋南劍羅源人 稱豫章先生 諡文質 熙寧五年生 紹興五年卒 年六十四 明萬曆四十七年從祀

先儒李綱 字伯紀 宋邵武人 諡忠定 元豐六年生 紹興十年卒 年五十八 國朝咸豐元年從祀

先儒張栻 字敬夫 宋漢州綿竹人 稱南軒先生 諡宜紹興三年生 淳熙七年卒 年四十八 景定二年從祀

先儒陸九淵 字子靜 宋金谿人 稱象山先生 諡文安 紹興九年生 紹熙三年卒 年五十四 明嘉靖九年從祀

先儒陳淳 字安卿 宋漳州龍溪人 稱北溪先生 紹興二十三年生 嘉定十年卒 年六十五 國朝雍正二年從祀

先儒真德秀 字景元 後更為景希 宋浦城人 稱西山先生 諡文忠 淳熙五年生 端平二年卒 年五十八 明正統二年從祀

先儒何基 字子恭 宋婺州金華人 諡文定 淳熙十五年生 咸淳四年卒 年八十一 國朝雍正二年從祀

隨州志 卷十一 學校 七

從祀

先儒文天祥

字宋瑞宋廬陵人諡忠烈端平三年五月二日生元至元十九年卒年四十七國

朝道光二十年

先儒趙復

字仁甫元德安人稱江漢先生以宋端平二年至北庭當元儒之首國朝雍正二年從

祀

先儒金履祥

字吉父元蘭溪人稱仁山先生諡文安宋紹定五年生元大德七年卒年七十二

國朝雍正二年從祀

先儒陳澔

字可大元江西都昌人稱雲莊先生又稱經歸先生宋景定二年生元至正元年卒年八

十一國朝雍正二年從祀

隨州志

卷十一 學校

三

先儒方孝孺

字希古明台州人元至正十七年生明建文四年卒年四十六國朝同治二年從

祀

先儒薛瑄

字德溫明山西河津人稱敬軒先生諡文清洪武二十二年生天順八年卒年七十六隆

慶五年從祀

先儒胡居仁

字叔心明江西餘干人號敬齋追諡文敬宣德九年生成化二十年卒年五十一萬

曆十二年從祀

先儒羅欽順

字永升明江西泰和人號整菴諡文莊成化元年生嘉靖二十六年卒年八十三

國朝雍正二年從祀

先儒呂柟

字仲木明高陵人諡文簡成化十五年生嘉靖二十一年卒年六十四國朝同治二年

從祀

先儒劉宗周

字啓東號念臺明山陰人稱蕺山先生萬曆六年生國朝順治二年卒年六十八

賜諡忠介道

光二年從祀

先儒孫奇逢

字啓泰號鍾元直隸容城人明萬曆十二年生國朝康熙十四年卒年九十二道

光八年

從祀

先儒陸隴其

初名龍其後改今名稼書明崇禎三年生國朝康熙三十一年卒年六十三雍正

二年

從祀

西廡先儒

三十一位

先儒穀梁赤

字元始春秋時魯人唐貞觀二十一年從

隨州志

卷十一

學校

十三

祀

先儒高堂生

漢魯人本齊公族唐貞觀二十一年從祀

先儒董仲舒

漢廣川人武帝初年對策為江都相元至順元年從祀

先儒毛萇

字長公漢趙人稱小毛公河間獻王博士當武帝時唐貞觀二十一年從祀

先儒杜子春

漢河南緱氏人永平初年九十唐貞觀二十一年從祀

先儒諸葛亮

字孔明漢瑯琊陽都人諡忠武光緒四年生建興十二年卒年五十四國朝雍正

二年

從祀

先儒王通

字仲淹隋河東龍門人私諡文中子陳至德二年生隋義甯二年卒年三十五一作開皇

二年生年三十七

明嘉靖九年從祀

先儒韓愈 字退之唐鄧州南陽人諡文大憲三年生

先儒胡瑗 字翼之宋泰州海陵人初諡安定改諡文昭 宋淳化四年生嘉祐四年卒年六十七明嘉

靖九年 從祀 字稚圭宋相州安陽人諡忠獻大中祥符元

先儒韓琦 字稚圭宋相州安陽人諡忠獻大中祥符元 年從祀 熙寧八年卒年六十八 國朝咸豐二

先儒楊時 字中立宋南劍將樂人號龜山先生諡文靖 八年 皇祐五年生紹興五年卒年八十三明宏治

先儒尹焞 字彥明一字德充宋洛人賜號和靖處士熙 甯四年生紹興十二年卒年七十二 國朝

先儒胡安國 字康侯宋崇安人諡文定熙寧七年生紹 興八年卒年六十五明正統二年從祀

先儒李侗 字愿中宋南劍州劍浦人稱延平先生元祐 八年生隆興元年卒年七十一明萬曆四十

先儒呂祖謙 字伯恭宋婺州人稱東萊先生諡成紹興 七年生淳熙八年卒年四十五景定二年 從祀

先儒袁燾 字和叔宋鄞縣人仕禮部侍郎稱絜齋 先生諡正獻 國朝同治七年從祀

先儒黃榦 字直卿號勉齋宋福建閩縣人諡文肅紹興 二十二年生嘉定十四年卒年七十 國朝

先儒蔡沈 字仲默宋建陽人稱九峯先生乾道三年生 紹定三年卒年六十四明正統二年從祀

隨州志

卷十一

學校

古

先儒魏了翁 字華父宋邛州蒲江人稱鶴山先生諡文靖 淳熙五年生嘉熙元年卒年六十 國

朝雍正二年從祀

先儒王柏 字會之宋婺州金華人諡文憲慶元三年生 咸淳十年卒年七十八 國朝雍正二年從

祀

先儒陸秀夫 字君寶宋楚州鹽城人端平三年十月八 日生祥興二年即元至元十六年卒年四

十四 國朝咸豐九年從祀

先儒許衡 字仲平元河內人號魯齋諡文正宋嘉定二 年生元至元十八年卒年七十三皇慶二年

從祀

先儒吳澄 字幼清元崇仁人諡文正宋淳祐九年生元 統元年卒年八十五明正統八年從祀嘉

祀

隨州志

卷十一

學校

五

靖九年罷祀 國朝乾隆二年復祀

先儒許謙 字益之元金華人稱白雲先生諡文懿至元 七年生後至元三年卒年六十八 國朝雍

正二年從祀

先儒曹端 字正夫明河南澠池人諡靖修洪武九年生 宣德九年卒年五十九 國朝咸豐十年從

祀

先儒陳獻章 字公甫明廣東新會人稱白沙先生追諡 文恭宣德三年生宏治十三年卒年七十

三萬歷十二年從祀

先儒蔡清 字介夫明福建晉江人號虛齋追諡文莊景 泰四年生正德三年卒年五十六 國朝雍

正二年從祀

先儒王守仁 字伯安明餘姚人稱陽明先生諡文成化八年生嘉靖七年卒年五十七萬曆十年

二年從祀

先儒呂坤 字叔簡號新吾河南甯陵人明嘉靖十五年生萬曆四十六年卒年八十三國朝道光

五年從祀

先儒黃道周 字幼平號石臺福建漳浦人明萬曆十三年生國朝順治三年卒年六十二道光

二年從祀

先儒湯斌 字孔伯號潛菴國朝河南睢州人諡文正明天啟七年生國朝康熙二十六年卒年

六十一道光三年從祀

以上先儒位明嘉靖以前皆稱封爵嘉靖九年改稱

隨州志

卷十一

學校

六

先儒某子

國朝稱先儒不稱子

附改祀於鄉三人 明嘉靖九年

鄭眾 字仲師東漢開封人 盧植 字子幹東漢涿郡人 服虔 字子慎東漢滎陽人

罷祀十一人 明洪武二十九年退揚雄餘十人嘉靖九年黜

公伯寮 字子周魯人以愬子路黜 荀况 字卿周末趙人以言性惡黜

戴聖 字次君漢梁人以贖吏黜 揚雄 字子雲漢成都人以事王莽黜

劉向 字子政漢宗室以誦神仙方術黜 賈逵 字景伯東漢扶風人以附會圖讖黜

馬融 字季長東漢扶風人以貪鄙附勢黜 何休 字邵公東漢任人以周王魯註風角黜

王弼 字輔嗣魏山陽人

王肅 字子雍漢東海剡人

杜預 字元凱晉杜陵人以黨貴要為將好殺黜

歷代尊崇典禮

漢高帝十二年自淮南過魯以太牢祭孔子此後世帝王

祀孔子之始成帝綏和三年詔封孔子世為殷紹嘉公以

主殷後封爵自此始

平帝元始元年追謚孔子褒成宣尼公謚號自此始

東漢安帝祀七十二弟子於闕里祀弟子自此始皆止立

廟於太學及闕里

隨州志 卷十一 學校 七

魏文帝修魯郡舊廟廣為屋室居學者學廟始合一

唐乾封七年追謚太師天授元年封隆道公皆有圖像開

元初圖七十二賢於壁二十七年追謚文宣王顏子贈兗

國公餘贈侯伯祭用明衣牲牢其後革明衣

宋建隆三年詔廟門立戟十六枝用正一品禮太平興國

三年詔令後裔襲封文宣公真宗大中祥符元年上欲謚

為帝廷臣言孔子周陪臣周止稱王不當加帝追謚文宣

王桓圭一冕九旒服九章公十哲侯七十子五年改稱至

聖文宣王大觀四年詔門戟二十四王執鎮圭崇甯四年

改用冕十二旒

元成宗謚大成至聖文宣王

明洪武初國子司業宋濂上言荀况謂性惡楊雄事王莽
王弼宗莊老賈逵忽細行杜預建短喪馬融黨權勢宜黜
回參伋坐饗堂上而其父食廡下非禮上不直其說三年
詔封爵如故門去戟黜楊雄從祀十七年定祭器祭服儀
式太學用木主天下廟像如故成化十三年周洪謨請尊
孔子爲廣運帝不許宏治初程敏政復請黜馬融王弼戴
聖劉向賈逵何休王肅杜預荀况宜別立叔梁紇祠以顏

隨州志

卷十一

學校

文

無繇曾點孔鯉孟孫氏配享程珦朱松從祀嘉靖九年定
稱至聖先師祀殿中南面復聖顏子宗聖曾子述聖子思
子亞聖孟子與十哲皆祀殿中東面西面諸子皆曰先賢
某子祀兩廡其從祀諸子自左邱明下皆曰先儒某子罷
公侯伯諸封爵申黨申棖疑本一人存棖去黨黜公伯寮
秦冉顏何荀况戴聖劉向賈逵馬融王休王肅王弼杜預
吳澄十三人增祀后蒼王通歐陽修胡瑗又以行人薛侃
議進陸九淵出林放蘧瑗鄭衆鄭元盧植服虔范甯七人
各祀於其鄉啟聖公叔梁紇別祀以無繇點鯉孟孫四氏

配享程珦朱松蔡元定三先儒從祀撤塑像易木主前代之議至是始定萬曆三十二年增周輔成從祀

國朝順治十四年改稱至聖先師孔子

康熙二十三年頒萬世師表額二十六年修理樂器令學宮習佾舞二十九年令官民等經過下馬五十一年進宋儒朱子熹祀殿內位顓孫子下五十四年以宋臣范仲淹從祀西廡

雍正二年加封孔子五代王爵復遷瑗林放秦冉顏何從祀爲先賢復鄭康成范甯從祀爲先儒又增縣廩牧皮樂

隨州志

卷十一

學校

九

正子公都子萬章公孫丑六人從祀爲先賢增漢諸葛亮宋尹焞魏了翁黃幹陳淳何基王柏趙復元金履祥許謙陳澔明羅欽順蔡清

國朝陸隴其從祀爲先儒又

詔增宋儒張子載之父迪從祀崇聖祠三年頒生民未有額五年奉

上諭避孔子諱加卍旁讀作期每歲八月二十七日遇

先師聖誕文武官各致齋一日不理刑名禁止屠宰八年令州縣學宮春秋丁祭以太牢

乾隆元年頒與天地參額二年進先賢有子祀殿內位次
卜子准尙書甘汝來請復元儒吳澄從祀廟廡五年定樂
用六佾設樂舞生四十名免府縣試九年頒祭祀樂章
嘉慶四年頒聖集九册

道光元年頒聖協時中額二年增劉宗周從祀三年增湯
斌從祀五年增黃道周從祀六年增陸贄呂坤從祀八年
增孫奇逢從祀二十三年增文天祥從祀二十九年增謝
良佐從祀

咸豐元年頒德齊幃載額增李綱從祀二年增韓琦從祀

隨州志

卷十一

學校

三

三年先賢中增公明儀從祀七年准禮部奏以公孫僑從
祀先賢孔子之兄孟皮配享 崇聖祠九年增陸秀夫從
祀十年增曹端從祀

同治二年禮部議奏

文廟位次頒發圖說遵照辦理又准禮部議奏魯人毛亨
明臣方孝孺呂柟從祀河間顏芝明臣楊繼盛漢儒劉向
鄭衆盧植毋庸從祀三年頒聖神天縱額七年增袁燮從
祀

致祭禮節

每歲以春秋仲月上丁日致祭與祭各官皆在家致齋三日先期一日各官齊赴

聖廟階下具朝服上香行三跪九叩頭禮畢教官視滌器承祭官省牲設香案獻爵奠酒宰牲取血執事生捧送各壇供奉承祭官俟安設畢一揖退

正祭日子刻承祭官分獻官陪祭各官衣朝衣齊集由兩傍門入序立陰陽生報鼓三次贊引生導承祭官至盥洗所盥洗畢引至臺階下通贊唱樂舞生就位執事生各司其事分獻官陪祭官各就位唱畢贊引生贊就位承祭官

隨州志

卷十一

學校

三

就拜位立分獻官陪祭官隨後立通贊唱瘞毛血執事生捧毛血盤出瘞畢通贊唱迎神樂奏昭平之章樂作贊引生贊跪叩與承祭官分獻官陪祭官俱行三跪九叩首禮與樂止通贊唱奠帛行初獻禮樂奏宣平之章樂作贊引生贊陞壇引承祭官由東階上進殿左門贊引生贊詣

至聖先師孔子位前承祭官至案前立贊引生贊上香跪承祭官跪奠帛引生捧帛跪進承祭官受帛拱舉獻畢贊引生贊獻爵司爵生捧爵跪進承祭官受爵拱舉獻畢行一跪一叩頭禮與贊引生贊詣讀祝位承祭官至讀

祝位立讀祝生捧祝版立於案左樂止贊引生贊跪承祭
官讀祝生分獻官陪祭各官俱跪贊引生贊讀祝文讀祝
生讀畢捧祝版立

至聖位前跪安帛匣內三叩頭退樂作贊引生贊叩興承
祭官及各官三叩頭興贊詣復聖顏子位前承祭官就位
立贊上香跪承祭官跪贊獻帛司帛生捧帛跪進於案左
承祭官受帛拱舉獻畢贊獻爵司爵生捧爵跪進於案左
承祭官受爵拱舉獻畢贊叩興承祭官一叩頭興贊詣宗
聖曾子位前獻帛獻爵如前儀贊詣述聖子思子位前獻

帛獻爵如前儀贊詣亞聖孟子位前獻帛獻爵如前儀其
十哲兩廡分獻官俱照承祭官陞壇獻帛獻爵如前儀行
禮畢贊引生贊復位承祭官分獻官仍詣拜位立樂止通
贊唱行亞獻禮樂奏秩平之章樂作贊引生贊陞壇獻爵
如初獻儀畢贊引生贊復位承祭官分獻官各復位立樂
止通贊唱行終獻禮樂奏叙平之章樂作贊引生贊陞壇
獻爵如亞獻儀畢贊引生贊復位承祭官分獻官各復位
立樂止通贊唱飲福受胙贊引生贊詣飲福受胙位承祭
官至殿內立司酒胙二人捧酒胙至正位案前拱舉至飲

福受胙位右旁跪接酒胙二人在左旁跪贊引生贊跪承
祭官跪贊飲福酒承祭官受爵拱舉授接爵者贊引生贊
受胙承祭官受胙拱舉授接胙者贊引生贊叩興承祭官
三叩頭興贊復位承祭官復位立行謝福胙禮贊引生贊
跪叩興承祭官分獻官俱行一跪三叩頭禮興通贊唱徹
饌樂奏懿平之章樂作徹畢樂止通贊唱送神樂奏德平
之章樂作贊引生贊跪叩興承祭官分獻官陪祀官皆行
三跪九叩頭禮興樂止通贊唱讀祝者捧祝司帛者捧帛
司饌者捧饌各奉詣望瘞位承祭官退至西旁立俟祝帛

隨州志

卷十一

學校

三

過仍復位立通贊唱望瘞樂奏咸平之章樂作贊引生贊
詣望瘞位引承祭官至望瘞位立祝帛焚訖贊禮畢退班

祝文

維

先師德隆千聖道冠百王揭日月以常行自生民所未有
屬文教昌明之會正禮和樂節之時辟雍鐘鼓咸恪薦夫
馨香泮水膠庠益致嚴於籩豆茲當仲春祇率彝章肅展
微忱聿將祀典以復聖顏子宗聖曾子述聖子思子亞聖
孟子配尙饗

祭品

至聖位前下陳牛一色尚黑羊一豕一皆有上設帛一用

綾有爵三用白磁盛登一盛太釧二盛和簋二盛黍簋二

盛稻籩十實以形鹽鯨魚鹿脯棗豆十實以韭菹醢醢菁

笋菹魚醢及大尊壺尊山尊各一設獻案上雲鬯尊貯初象尊

脾析豚拍貯三龍勺挹取尊內酒鬯貯洗洗受洗棄水

案置廟東南隅獻酒實於爵者爵水洗以上六器另

四配各為一筵下陳羊一豕一上設每筵帛各一用白爵

各三釧二簋二籩二籩八無白餅黑餅豆八無脾析豚拍

隨州志 卷十一 學校 二

雲鬯尊一 十二哲東西各為一筵每筵各總陳豕一豕首一盛以帛

一雲鬯尊一每兩位共一案其爵釧如四配簋籩各一籩

四實以形鹽豆四實以菁菹芹其執事同四配

兩廡東西各三筵每筵豕各一帛各一尊各一每四位共

一案每案銅爵各三豕肉各一盛以其簋籩籩豆之數同

諸哲其執事同四配

樂章

聖廟所奏樂章向遵舊譜乾隆八年新頒樂章易和名平

乾隆五十一年頒發春秋釋奠樂章譜變俗從雅用古宮商而兼注俗樂工尺字使天下咸知七音配合之法又春秋立宮主調不同簫笛音律高下各異司樂者肄習既久自能漸通雅奏今載昭平諸章亦分列春秋二譜

春夾鐘清商立宮 倍應鐘清變宮主調

迎神昭平

大變宮 哉商 孔子變徵 先變宮 覺羽 先變徵 知角

與商 天角 地羽 參變徵 萬變宮 世羽 之變徵 師變徵

祥變徵 徵羽 麟商 紱角 韻商 答羽 金變宮 絲羽

隨州志

卷十一

學校

三五

日商 月角 既變宮 揭變徵 乾商 坤角 清商 夷變宮

初獻宣平

予變宮 懷商 明角 德變徵 玉羽 振商 金變宮 聲羽

生商 民商 未羽 有變徵 展商 也商 大變徵 成角

俎變徵 豆羽 干變宮 古變徵 春角 秋角 上變徵 丁角

清變宮 酒羽 既商 載變宮 其商 香羽 始商 升變宮

亞獻秩平

式變宮 禮商 莫角 愆變徵 升羽 堂變再商 獻變宮

響羽 協變徵 鼗商 鏞角 誠變徵 孚羽 鬯變徵 甌變宮

肅變徵 肅變徵 雍角 雍角 譽商 髦變宮 斯羽 彥變宮

禮羽 陶變徵 樂商 淑角 相變徵 觀角 而商 善變宮

終獻叙平

自變宮 古商 在變徵 昔角 先羽 民變徵 有商 作角

皮變徵 弁羽 祭商 菜變宮 於羽 論變徵 思角 樂商

惟變徵 天羽 牖變宮 民變徵 惟商 聖羽 時商 若角

彝變徵 倫變徵 攸羽 叙變宮 至羽 今變徵 木商 鐸變宮

徹饌懿平

先變宮 師商 有角 言變徵 祭變宮 則羽 受變宮 福變徵

隨州志 卷十一 學校

四商 海變宮 覺變徵 宮羽 疇商 敢角 不商 肅變宮

禮變徵 成羽 告變宮 徹變徵 毋商 疏角 毋商 瀆變宮

樂變徵 所羽 自商 生變宮 中變徵 原角 有商 菽變宮

送神德平

鳧變宮 繹商 戕角 戕變徵 洙羽 泗變宮 洋商 洋角

景羽 行變徵 行變徵 止羽 流商 澤角 無變徵 疆角

聿變徵 昭羽 祀商 事變宮 祀變宮 事羽 孔商 明角

化變宮 我變徵 蒸變宮 民羽 育商 我角 膠商 庠變宮

秋南呂清徵立宮

仲呂清角王調

迎神昭平

大角 哉徵 孔羽 子變宮

先角 覺商 先變宮 知羽

與徵 天羽 地商 參變宮

萬角 世商 之變宮 師變宮

祥變宮 徵商 麟徵 紘羽

韻徵 咎商 金角 絲商

日徵 月羽 既角 揭變宮

乾徵 坤羽 清徵 夷角

初獻宣平

予角 懷徵 明羽 德變宮

玉商 振徵 金角 聲商

生羽 民徵 未商 有變宮

展徵 也羽 大變宮 成羽

俎變宮 豆商 千角 古變宮

春羽 秋羽 上變宮 丁羽

隨州志

卷十一

學校

七

清角 酒商 既徵 載角

其徵 香羽 始徵 升角

亞獻秩平

式角 禮徵 莫羽 愆變宮

升商 堂變宮 再徵 獻角

響商 協變宮 鼗徵 鏞羽

誠變宮 孚商 壘變宮 甗角

肅變宮 肅變宮 雍羽 雍羽

譽徵 髦角 斯商 彥角

禮商 陶變宮 樂徵 淑羽

相變宮 觀羽 而徵 善角

終獻叙平

自角 古徵 在變宮 昔羽

先商 民變宮 有徵 作羽

皮變宮 弁商 祭徵 菜角

於商 論變宮 思羽 樂徵

惟變宮天商牖角民變宮

惟徵

聖商時徵

若羽

彝變宮倫變宮攸商叙角

至商

今變宮木徵

鐸角

徹饌懿平

先角師徵有羽言變宮

祭角

則商受角

福變宮

四徵海角鬯變宮商

疇徵

敢羽不徵

肅角

禮變宮成商告角徹變宮

毋徵

疏羽毋徵

瀆變宮

樂變宮所商自徵生角

中變宮

原羽有徵

菽角

送神德平

鳧角繹徵峩羽峩變宮

洙商

泗角洋徵

洋徵

隨州志

卷十一

學校

元

景商行變宮行變宮止商

流徵

澤羽無變宮疆羽

聿變宮昭商祀徵事角

祀角

事商孔徵

明羽

化角我變宮蒸角民商

育徵

我羽膠徵

庠角

樂器

堂上之樂琴用四瑟用六堂下之樂笙簫笛各六排簫二編鐘編磬應鼓楹鼓各一搏拊鼓排鼓各二祝敔各一樂人如其器之數舞用六佾羽籥三十有六麾一旌二木笏六佾生如其佾之數

欽定四庫全書
 禮記圖
 爵

爵



爵範銅爲之通高四寸六分深二寸三分兩柱高七分
 三足相距各一寸五分高二寸腹爲雷紋饗饗形

登




登范銅爲之通高六寸深二寸口徑四寸九分椀圍六寸九分足徑四寸七分口爲回紋中爲雷紋柱爲饜饕足爲垂雲紋蓋高一寸六分徑四寸六分頂高三分上爲星紋中垂雲紋口亦回紋

銅



銅范銅爲之高四寸一分深四寸口徑五寸一分底徑三寸三分三足高一寸三分兩耳爲犧形口繪藻紋次回紋腹貝紋蓋高二寸二分頂有三峯高一寸飾以雲紋足紋同

簠




簠范銅爲之通高四寸六分深二寸一分口縱六寸四分橫八寸底縱五寸一分橫六寸四分面爲夔龍紋束爲回紋足爲雲紋兩耳附以夔龍蓋高一寸四分口縱橫與器同上有稜四周縱四寸一分橫六寸四分亦附以夔龍耳

簋




簋范銅爲之通高四寸二分深二寸一分口徑七寸二分底徑六寸口爲回紋腹雲紋束黻紋足星雲紋兩耳附以夔鳳蓋高一寸八分徑與口同面雲紋口回紋上有稜四出高一寸一分

籩




籩編竹爲之以絹飾裏頂及緣皆髹以漆紅色通高五寸四分深八分口徑四寸六分足徑四寸蓋高一寸九分徑與口同頂正圓高四分

豆





豆范銅爲之通高五寸五分深二寸口徑四寸九分校圍二寸足徑四寸七分腹爲垂雲紋回紋校爲波紋金銀紋足爲黻紋蓋高二寸二分徑與口同爲波紋回紋頂爲綯紐高三分

筐



筐編竹爲之四馬髻以漆丹飾高五寸縱五寸橫二尺二十五分足高一寸蓋高一寸七分

俎



正位俎木爲之髻以丹中區爲三錫裏外銅環四足八有跗縱六尺有奇橫三尺二寸通高二尺六寸有奇配位俎中區爲二錫裏加蓋外左右各銅環二足六有附



縱三尺九寸橫二尺八寸通高二尺七寸有奇餘如正位制哲位從位崇聖祠各俎並如配位制

尊




尊范銅爲之通高八寸六分口徑五寸一分腹圍二尺四寸底徑四寸六分足高二分兩耳爲犧首形按國子監志尊制有七曰秦尊曰犧尊曰象尊曰山尊曰雷尊曰著尊曰壺尊今獻酌先師惟用著尊

祝版




祝版木爲之高九寸廣一尺二寸外黝中質髹以朱漆祝文墨書白紙黃緣別有小几通高七寸五分廣四寸五分長九寸五分

祝版案



酒尊桌




均以木爲之髹以朱案長三尺三寸桌長六尺二寸

隨州志

卷十一 學校

三五

鐙



鐙范銅爲之或以錫或以鐵或以木重臺三足高下視燭大小凡五等紋飾惟足或用素質

香鑪



香鑪范銅爲之圓形中束通高三尺耳高一尺二寸口高二寸腹高一尺二寸足高一尺三寸口圍五尺六寸腹圍七尺足圍九寸素質無文

隨州志

卷十一

學校

三

欽定祭品劬兩

黍米三斗九升
 稻米三斗九升
 麥麵二斤
 菁一百四十三斤
 韭十斤
 酒一百二十瓶
 鹽磚二十斤
 紅棗一百四十三斤
 榛仁十七斤八兩
 芡實三十五斤
 花椒八兩
 蒔蘿四兩
 小薺魚十尾
 大筍十塊

稷米一斗五升
 梁米一斗
 蕎麥麵二斤
 片八十七斤
 葱五斤
 滌魚酒二瓶
 白鹽四斤
 粟一百八十四斤
 菱米三十斤
 白糖一斤
 茴香八兩
 大薺魚十尾
 醃魚二十斤

御製

至聖先師孔子贊并序

康熙二十五年

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰溯前徽堯舜
禹湯文武達而在上兼君師之寄行道之聖人也孔子不
得位窮而在下秉刪述之權明道之聖人也行道者勲業
炳於一朝明道者教思周於百世堯舜文武之後不有孔
子則學術紛淆仁義堙塞斯道之失傳也久矣後之人而

隨州志

卷十一

學校

七

欲探二帝三王之心法以爲治國平天下之準其奚所取
衷焉然則孔子之爲萬古一人也審矣朕巡省東國謁祀
闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂旣窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰羹牆
可語孔子之道惟中與庸此心此理千載所同孔子之德

仁義中正秉彝之好根本天性庶幾夙夜勗哉令圖溯源
洙泗景躅唐虞載厯庭除式觀禮器摘毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道與寶泰山巖巖東海泱泱牆高萬仞
夫子之堂孰窺其藩孰窺其徑道不遠人克念作聖

御製顏子贊

康熙二十八年

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用舍行藏
王道之器

隨州志

卷十一

學校

三

曾子贊

洙泗之傳魯以得之一貫曰唯聖學在茲明德新民止善
爲期格致誠正均平以推至德要道百行所基纂承統緒
修明訓辭

子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
擴之無垠

孟子贊

哲人既萎楊墨昌熾子與闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

御贊四賢贊並序

乾隆十三年

聖門弟子三千其賢者七十有二人史記家語各爲紀其
姓氏考其事迹以垂之後世而能契夫子之心傳得道統
之正脈者則惟顏曾思孟四人顏子得克己復禮之說曾
子與聞一貫之傳親炙一堂若堯舜禹之相授受復乎尙
矣子思師事曾子發明中庸之道而歸其功於爲己謹獨

隨州志

卷十一

學校

三

孟子當戰國橫流之時私淑子思距楊墨閑聖道而養氣
之論爲前聖所未發昌黎韓子以爲其功不在禹下有以
也庚戌秋偶閱有宋諸儒傳因思宋儒所宗者孔子之道
也孔子之道賴顏曾思孟而傳今聖廟祀典四子升配堂
上爲百代之楷模因各係以贊用誌景行之私云爾

復聖贊曰貧也者吾不知其所惡壽也者吾不知其所慕
德以潤身孰謂其貧心以傳道孰謂難老簞瓢陋巷至樂
不移仰高鑽堅三月無違夫子有言克己成性用致其功
允成復聖

宗聖贊曰宣聖轍轅在陳興歎孰是中行授茲一貫曾子孜孜惟聖依歸唯而不疑以魯得之會友輔仁任重道遠十傳釋經超商軼偃念彼先子沂水春風淵源益粹篤實春容臨深履薄得正以終三千雖多獨得其宗

述聖贊曰天地儲精山川萃靈是生仲尼玉振金聲世德作求孝孫維則師曾傳孟誠身是力眷茲後學示我中庸位天育物致和致中夫子道法堯舜文武紹乃家聲述乃文祖

亞聖贊曰戰國春秋又異其世陷溺人心豈惟功利時君隨州志 卷十一 學校 四 爭雄處士橫議爲我兼愛簧鼓樹幟魯連高風陳仲廉士所謂英賢不過若是於此有人入孝出第一髮千鈞道脈永繫能不動心知言養氣治世之畧堯舜仁義愛君澤民惓惓餘意欲入孔門非孟何自孟丁其難顏丁其易語默故殊道無二致卓哉亞聖功在天地

崇聖祠正位

肇聖王木金父公 名木字金父宋人孔子五世祖

裕聖王祈父公 或作睪夷父或作臯夷父或云名臯字祈父宋人木金父子孔子高祖

詒聖王防叔公 魯防邑大夫後世因號防叔祈父子孔子曾祖

昌聖王伯夏公防叔子

啟聖王叔梁公名紘字叔梁伯夏子孔子父魯鄒邑大夫

以上正位明嘉靖九年於大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為崇聖祠

東配

先賢孔氏孟皮孔子之兄國朝咸豐七年配享

先賢顏氏無繇家語顏由亦作繇明正統三年闕里配嘉靖九年通配

隨州志

卷十一 學校

四

先賢孔氏鯉字伯魚宋咸淳三年列祀孔忠之次明正統三年闕里配嘉靖九年通配

西配

先賢曾氏點字子皙史記作歲字皙明正統三年闕里配嘉靖九年通配

先賢孟孫氏激字公宜明正統三年闕里配嘉靖九年通配

東廡先儒

先儒周氏字輔成先賢敦頤之父明萬曆二十二年從祀

先儒程氏字伯溫先賢顓頊之父明嘉靖九年從祀

先儒蔡氏字季通先儒沈之父稱西山先生諡文節明嘉靖九年從祀

西廡先儒

先儒張氏字迪先賢載之父國朝雍正二增祀

先儒朱氏字喬年號韋齋先賢朱子父元追諡靖獻明嘉靖九年從祀

以上先賢先儒位明嘉靖時稱先賢某氏先儒某氏國朝因之

崇聖祠致祭禮節

崇聖祠教諭正獻前後兩廡皆食餼學弟子員各一分獻

先一日夜分陳設

正位前各羊一豕一釧二簋簋各二邊豆各八鑪一鐙二

按會典各帛一爵三尊一

隨州志 卷十一 學校 四

配位前簋一簋一邊四豆四東羊豕各一鑪一鐙二按會

典各帛一爵三尊一中設一案少西供祝版東設一案陳禮神

制帛五色白香盤五尊四爵十有五西設一案陳禮神

制帛四色白香盤四尊三爵十有二兩廡東二案西一

案每位爵一實酒每案陳設簋簋邊豆羊豕鑪鐙如

配位之數各南設一案陳禮神制帛一色白香盤一尊

一虛爵三俎筐冪勺具祭日雞鳴贊行春秋丁祭禮

承祭官詣階下盥手執事者各司其事就位迎

神司香奉香盤就各香案前立不贊就上香位引承

祭官升東階入殿左門不贊贊詣

肇聖王位前跪叩首興上香司香跪承祭官上炷香三上

辦香跪叩首興以次詣左

正位前上香儀同降階贊復位引引分獻者升東階入殿

左門分詣

配位前上香如儀降階贊復位引引兩廡分獻者分詣

兩廡

從位上香如儀贊復位跪叩首興行三跪九叩禮興贊

奠帛爵行初獻禮引承祭官升階不贊詣中案前

隨州志

卷十一

學校

四

跪叩首興司帛跪奉篚承祭官受篚拱舉奠於案司

爵跪奉爵承祭官受爵拱舉奠於墊不贊跪叩首

興以次詣左案前奠獻於儀贊就讀祝位承祭官詣

拜位立司祝奉祝至案前跪三叩奉祝版跪案左不贊

贊承祭官跪皆跪讀祝辭曰維某年月日某官某

致祭於

肇聖王

裕聖王

詔聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聲教所覃
敷率循源而溯本宜肅明禋之典用申守土之忱茲
屆仲春聿修祀事配以

先賢孔氏

先賢顏氏

先賢曾氏

先賢孔氏

隨州志

卷十一

學校

四

先賢孟孫氏尙

饗讀畢

贊

興司祝者奉祝版跪安於

肇聖王位前篚內三叩首興退

不贊

贊

承祭官跪以下皆

跪行三叩禮興復位引承祭官降階復位

不贊

引

正殿分獻者升

東階

入殿

左門

詣

配位前引兩廡分獻者分詣兩

從位前儀同正獻亞獻各獻爵於左終獻各獻爵於右

均不奠帛餘如初獻儀

贊

徹饌執事徹饌畢

贊

送

神三跪九叩禮興奉祝帛香饌送燎司祝司帛司香司爵

各奉祝帛香饌恭送燎所如儀贊詣燎所眠燎復位
禮畢退位

名宦祠在戟門之左

祀宋隨郡太守柳元景 宗慤 唐隨州刺史令狐緒

宋知隨州事王德用 范純仁 崇信節度副使尹

洙 知隨州事趙方 李道 元隨州知州林興祖

明隨州知州陳莘 呂穉

國朝奉文增明德安府同知署隨州事王國治明殉難知
州王燾共十三人

隨州志

卷十一

學校

四

按舊祀名宦十一人俱明知州任德詳請釐正位次官
銜謚法改題木主又詳請增祀後周刺史皇甫璠稱宋
李道不宜從祀當時允行今皇甫璠未增李道未徹明
大學士何宗彥考定應祀未祀名宦六十一人其中如
侯霸蕭敷辛彥之李惠登歐陽日華李孝基岳飛吳柔
勝諸賢德澤在人治績各見正史歐陽日華見於六一
居士集明代李充嗣功業載在舊志皆無忝良吏之目
信宜報以明禋餘如庫狄士文雖賦性清苦然隋書已
列入酷吏傳王寬棄城而逃王全斌本貪殘梟將張商

英以狡猾取敗崔生招陳思讓董宗本輩皆以軍將領郡未聞善政亦俱錄入未免太濫他或功業見於史傳而於州事無可稱或職係遙領而人未莅隨亦當辨別至唐縣令李去惑身殉國難急宜增祀而畧不論及則所考六十一人亦非定論又舊祀十一人中王德用貶知隨州置判官理其事尹洙沈括俱隨州安置原非官僚或宜重爲釐正始合輿情

鄉賢祠在戟門之右

祀隨大夫季梁 漢司空周章 宋參知政事宋綬

隨州志

卷十一

學校

吳

綬子直學士敏求 觀文殿學士歐陽修 醴泉觀使

劉逵 參知政事李庭芝 都統制邊居誼 明知州

任德釐定祀典請增祀宋都統制孟宗政 宗政子吉

國公珙 繼增明戶部侍郎王鏞 慶遠知府賀子亨

工部侍郎陳壽 江西按察使童寅 大學士何宗

彥

國朝增文林郎貢生周宗成 拔貢生朱奇生 奉政大

夫廩生羅景春共十八人 任德以宋宣獻父子非隨人詳請應否與祀不知當日作何定論

明倫堂在聖宮左

順治九年

命禮部頒卧碑於天下學宮置於明倫堂之左曉示生員
朝廷建立學校選取生員免其丁糧厚以廩膳設學院學
道學官以教之各衙門官以禮相待全要養成賢才以供
朝廷之用諸生皆當上報國恩下立人品所有教條開列
於後

一生員之家父母賢智者子當受教父母愚魯或有非爲
者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須

隨州志

卷十一

學校

四七

互相講究凡利國愛民之事更宜留心

一生員居心忠厚正直讀書方有實用出仕必作良吏若
心術邪刻讀書必無成就爲官必取禍患行害人之事者
往往自殺其身常宜思省

一生員不可干求官長交結勢要希圖進身若果心善德
全上天知之必加以福

一生員當愛身忍性凡有司官衙門不可輕入卽有切已
之事只許家人代告不許干與他人詞訟他人亦不許牽
連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰一軍民一切利病不許生員上書陳言如有一言違白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

欽頒訓飭士子文

康熙四十一年

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務

隨州志

卷十一

學校

四

期風教修明賢才蔚起庶幾械樸作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長列宮牆朝夕誦讀甯無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅勿事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑

行已多愆或蜚語流言脅制官長或隱糧包訟出入公門
或唆撥奸猾欺孤凌弱或招呼朋類結社邀盟乃如之人
名教不容鄉黨弗齒縱幸脫褫扑濫竊章縫返之於衷甯
不愧乎况夫鄉會科名乃掄才大典關係尤鉅士子果有
真才實學何患田不逢年顧乃標榜虛名暗通聲氣夤緣
詭遇罔顧身家又或改竄鄉貫希圖進取囂凌騰沸網利
營私種種弊端深可痛恨且夫士子出身之始尤貴以正
若茲厥初拜獻便已作奸犯科則異時敗檢踰閑何所不
至又安望其秉公持正爲國家宣猷樹績膺後先疏附之

隨州志

卷十一

學校

兪

選哉朕用嘉惠爾等故不禁反覆惓惓茲訓言頒到爾等
務共體朕心恪遵明訓一切痛加改省爭自濯磨積行勤
學以圖上進國家三年登造束帛弓旌不特爾身有榮卽
爾祖父亦增光寵矣逢時得志甯俟他求哉若仍視爲具
文玩愒勿傲毀方躍冶暴棄自甘則是爾等冥頑無知終
不能率教也旣負栽培復干咎戾王章具在朕亦不能爲
爾等寬矣自茲以往內而國學外而直省鄉校凡學臣師
長皆有司鐸之責者並宜傳齊諸生多方董勸以副朕懷
否則職業弗修咎亦難追勿謂朕言之不預也爾多士尙

敬聽之

欽頒訓飭士子文

乾隆十年

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其

隨州志

卷十一

學校

五

弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖

之門知爲已則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之士雖孔子復生也不免應舉然豈能累孔子也朱子此言卽是科舉中爲已之學誠能爲已則四書五經皆聖賢之精蘊體而行之爲聖賢而有餘不能爲已則雖舉經義治事而督課之亦糟粕陳言無裨實

隨州志

卷十一

學校

五

用浮僞與時文等耳故學者莫先於辨志志於爲已者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

頒發書籍

周易折衷

全部

書經傳說彙纂

全部

詩經傳說彙纂

全部

春秋傳說彙纂

全部

三經義疏

全部

孝經註

全部

性理精義

全部

十三經註疏

全部

周易述義

全部

詩義折中

全部

春秋直解

全部

隨州志

卷十一

學校

朱子全書

全部

大學衍義補

全部

五子近思錄

全部

廿一史

全部

明史

全部

資治通鑑綱目

全部

淵鑑古文

全部

聖諭廣諭

全部

欽定四書文

全部

重修文廟碑記詩篇 一本

御製詩初集 全部

御製詩二集 全部

平定兩金川告成太學碑文

學政全書 全部

師生員缺

學正訓導各一員其沿革詳職官廩生三十人增生三十人三歲貢其二遇

覃恩加恩貢一名教官月有課學使者三歲再試之文生

隨州志 卷十一 學校

五

每科歲試額十五人武生每歲試額十五人

咸豐八年捐輸加廣文武永遠額各三名暫廣文武一次

額各三名邑人籌款與羅輝緒捐貲同辦

又三院會議於通省團練出力案內 奏請獎勵加廣隨

州文武永遠學額各三名

同治五年捐輸加廣文武永遠學額各一名暫廣文武一

次額各二名邑人羅輝緒捐貲辦理

六年三院以隨州節次團練捐輸錢二十七萬餘串 奏

請續廣永遠文武額各六名以足十名之限又暫廣文

武學額一百零九名分十一次取進自同治七年爲始
邑人施鴻軒施鴻駿力成其事

附學田

馬坪港河西淤洲一段地畝不計每年完租錢二十四串
乾隆五十四年州民夏萬鵬捐田五石三斗每年完租稞
十五石

書院

漢東書院在東門外龍會門內明萬厯初徙學宮於城內
後知州王納言卽學宮遺址創立書院前建炎帝殿設

隨州志

卷十一

學校書院附

五

重門門左右爲兩祠左以祀昔之宦於隨而有功德於
民者右以祀州之鄉先生殿後建隨珠堂爲講堂左右
學舍數楹爲諸生肄業地太傅何宗彥記之納言亦有
隨珠堂記明末毀

國朝順治十二年知州程文光修復書院如舊

乾隆十二年衆議遷學於東門外知州王雲翔卽書院地
營復舊學宮以城內學宮遺址改建書院改敬一亭爲
奎樓兩廡爲學舍

十八年知州金增撥入關廂各項官基納租爲師生膏火

易名摘珠書院

道光五年知州竇欲峻於講堂左右改建號舍後增修學舍易名曰烈山書院邑人黃毅士等泐條規田畝於壁今廢

同治八年知州傅詩於考棚後東偏建立書院卽講堂爲大堂南北向齋房十楹東西向五楹生童以時肄業其中

書院田租

乾隆二十九年邑紳宋祖郊等捐買施奕芝田地壹拾捌

隨州志

卷十一

學校書院附

五五

石伍斗完歸里一甲銀壹兩貳錢捌分玖釐坐落南鄉沙陂舖每年完稞伍拾肆石議定折完錢捌拾壹串

三十一年闔州紳士置買蕭玉珍田地陸石肆斗完紫里三甲銀肆錢捌分肆釐坐落南鄉白塘灣金家岡每年完稞叁拾石議定折完錢叁拾串

三十八年監生孫敷賁捐田地陸石完君里一甲銀伍錢捌分壹釐坐落南鄉東南河北岸每年完稞貳拾陸石議定折完錢叁拾串

趙公祠絕產改歸書院田地壹拾捌石完金里一甲銀壹

兩捌錢叁分貳釐坐落北鄉後家店每年完稞柒拾壹石議定折完錢捌拾串

四十六年龔士樂等爭控絕產斷入田地貳石貳斗完關里一甲銀貳錢柒分壹釐坐落北鄉風火山每年完租捌石議定折完錢拾貳串

四十八年熊佑成捐田地貳石捌斗完歸里一甲銀叁錢貳分玖釐坐落南鄉椿樹崗每年完租捌石肆斗議定折完錢拾貳串陸伯文

陳盛安陳之貴爭控絕產斷入田地肆石完聖里十甲銀

隨州志

卷十一

學校書院附

五

壹錢玖分肆釐坐落西鄉聖里八甲每年完稞玖石議定折完錢拾叁串伍伯文

僧光運不守清規滋事斷入田地叁石完古里七甲銀貳錢貳分玖釐坐落北鄉古里七甲老墻西首每年完租肆石議定折完錢陸串

張存義李合和爭控斜坡地五斗斷入書院坐落東關外每年完租錢貳串柒伯文

僧梵曉滋訟撥入田地七斗坐落南鄉董店黑樹灣每年完租錢肆串零伍拾文

劉家大廟僧以安滋事充入田地柒石陸斗坐落平里八
甲完銀壹錢柒分陸釐每年完稞柒石議定折完錢拾
串零伍佰文

二十年撥入濃潭義學社田叁石完化里四甲銀貳錢玖
分坐落西鄉陳家山每年完稞肆石貳斗議定折完錢
陸串伍百文

三十一年邑紳公買園地壹石叁斗坐落城內夜光池每
年完租錢拾肆串捌百文辛光祖租錢玖串 蔡德元
租錢貳串伍百 冷德太租
錢一串陸百文 蕭日
升租錢一串伍百文

隨州志 卷十一 學校書院附 五

城外東關濠田叁斗每年完稞伍斗議定折完錢柒百伍
拾文佃戶吳家興年久並
未完租急須清查

東關土城外濠田叁斗每年完稞伍斗議定折完錢肆串
佃戶陳士奇

東關土城外濠田貳斗每年完稞叁斗議定折完錢伍百
六 佃戶熊正國

州署後園地捌斗每年完租錢玖串捌百文楊清立租錢
伍串貳百文

冷全陽租錢壹串陸百文 宋明德租
錢壹串 葉
春壽租錢壹串 張清張禮租錢壹串

州署後園地五斗每年完租錢柒串伍百文 佃戶劉天富

州署後官地一所搭蓋草屋三間每年完租錢六百文

佃戶

又官基一所每年完租錢捌百文

佃戶羅裕豐

州署後園地貳斗伍升每年完租錢叁串陸百文

佃戶冷永彬

州署後園地肆斗每年完租錢伍串

黃家祥租錢壹串貳百文 梁廷彩租錢

壹串陸百文 梁廷瑞租錢壹串 余登鰲租錢壹串貳百文

均川店義學官基每年完租錢貳串捌百文

胡正興租錢玖百文 胡

朝元租錢壹串 胡德順租錢肆百伍拾文 賀居清租錢肆百伍拾文

厲山店義學官基每年完租錢貳拾壹串

何萬佑租錢拾串 張有貴租

隨州志 卷十一 學校書院附 五

錢壹串貳百文 何亦慶租錢捌串 彭廷貴租錢壹串捌百文

唐縣鎮義學官基每年完租錢貳串陸百文

佃戶姜大炬 姜大燉

城外南關官基二間每年完租錢叁百文

佃戶何清相久未完租須清查

城外西南北三面濠稞每年完租錢拾串同治二年防守

城池濠亦加濬增租錢肆拾壹串每年完租錢伍拾壹

串 佃戶冷萬富

舊學東西二濠向歸學署管理同治七年學署建立城內

其濠稞改入膏火每年完租錢貳拾貳串

舊學地基一所實田地貳石伍斗自同治八年為始每年

完租錢拾貳串伍百文議定三年後升租 佃戶呂士壽 宋明德

呂士鈞 李長年 學濠佃戶同

舊學官基一所每年完租錢叁串陸百文 王家駒租錢貳串 張楚善租

錢壹串 侯大有租錢貳百文
范大才租錢肆百文

南門月城內官基一所每年完租錢肆串伍百文 佃戶胡正升

東關土城外濠稞每年完租錢拾串 佃戶朱如泗 朱如淮

高城店義學屋租每年完租錢捌串陸百文 劉自盛租錢叁串 龔廷

兆租錢壹串伍百文 陳一元租錢壹串伍百文 許
華玉租錢貳串陸百文 以上四戶久未完租前經里
差吳泰具稟房屋倒塌佃戶搬遷知州周祖銜批准暫
銷在案此後急須清查

隨州志 卷十一 學校 音院附 五

乾隆五十八年貢生劉廷舉捐義學三間河田柴斗坐落

唐王店每年完租錢貳串捌百文 張德盛租錢貳串 胡謙租錢捌百文

仁里七甲官地一所坐落謝家廟每年完銀壹錢壹分玖

釐完租錢伍串 佃戶僧遠塵

嘉慶二十四年生員高鐸充入三里岡街市門面地租坐

落西鄉聖里八甲每年完租錢拾肆串道光十九年知

州趙振清准減租錢貳串每年完租錢拾貳串 佃戶高鐸

南鄉十里舖官基一所每年完租錢壹串貳百文 黃學山完租錢

玖百文 黃學元完租錢叁百文

淤洲官地一處坐落潞里十二甲秦家厰向完租錢肆拾串外完學租貳拾肆串其地無屋發附近數人分種地勢寬濶難計石斗道光二十八年邑人黃克賢經營膏火查有侵佔地界私收頂錢等弊邀集同人呈請知州金雲門議加租稞適有土豪強佔抗踞控於大府公繩以法加租錢捌拾串每年共完租錢壹百貳拾串學租如舊 佃戶葉茂盛 鞏玉玠 童大富 秦之良

道光二十年撥入下南關倉厰房屋八間基地貳斗每年完租錢拾串 佃戶李光榮

隨州志

卷十一

學校善院附

李

三十年膏火公費置買南關石增榮房屋一所每年完租錢拾貳串房屋因兵燹拆毀急須補修 佃戶唐永福

咸豐二年膏火公項置買小南門內熊上達房屋一所建立扎楊二公祠咸豐十一年祠燬同治八年遷扎楊二公祠於南門樓所遺基址建修節孝祠

三年膏火公項置買張開蘭田地肆石肆斗伍升隨載秋糧叁斗叁升伍合册在府里九甲當差坐落椰樹廟下首每年完稞拾伍石 佃戶詹德容

膏火公項置買黃家齊陸地壹石陸斗共七塊坐落冷家

灣幫冷向陽條銀錢伍百文每年完租錢陸串冷恒陽完租錢

壹串冷永隆完 肆錢貳串伍百文冷永鴻完 租錢壹串冷錫陽完 租錢壹串

道光二十四年客鋪石松嘉等將戶書欠錢陸千陸百串

捐人膏火經知州梁芸滋斷令二十四五兩年各繳錢

壹百串自二十七年每年繳錢叁百串共計二十四

年可以全楚節年兵燹雖已繳錢過半然叁百串之數

未能年清年欸且有數年未繳分文者一俟照數繳足

此項即行註銷

咸豐七年充人趙邦璧田地拾柒石壹斗坐落西鄉安營

隨州志 卷十一 學校書院附 六

坑每年完稞陸拾捌石肆斗完落里九甲銀壹兩肆錢

肆分伍釐

又充人田地肆石坐落毛狗坑每年完稞拾肆石

又充人田地叁石坐落澁河每年完稞拾貳石完落里九

甲銀貳錢柒分壹釐

充人李朝順田地叁石伍斗坐落西鄉鄧家灣每年完稞

拾肆石完落里十甲銀叁錢捌分玖釐

又充人田地柒石壹斗坐落劉家臺每年完稞貳拾肆石

同治七年詹名珩捐人田地伍石叁斗坐落南鄉彭家灣

車家灣戴冲每年完稞貳拾石隨載紫里八甲秋糧壹
斗七升八合

書院支銷

山長束脩一百六十串

節禮十二串

關聘四串

火夫六串

季子祠齋夫六串

門丁徵比十二串

隨州志

卷十一

學校書院附

三

生童月課湯麵點心每名四十二文

超等每名一串文

特等每名五百文

上取每名八百文

中取每名四百文

獎賞均由官酌給

每月課一次院書飯食一串六百文

茶夫炭錢三百文

府司院銷費六串文

號房錢五百文

月課卷子每本十文

禮書辛勞三串文

鄉試每名二串文

北闈鄉試每名十二串

會試每名二十四串

管理膏火首士每年辛勞十二串不取者聽

考棚

道光六年知州竇欲峻於小南門內 文廟舊址創建考

棚邑紳何士哲戴炳輝倡捐 貢毅士暨紳眾集貲監修

隨州志

卷十一

學校考棚附

三

東西二棚各號舍十七間編坐號一千六百有奇堂室

門垣咸備

咸豐六年粵寇折毀棹檣屋宇僅存東棚十七間

同治六年知州潘亮功議卽考棚基址改建 文廟於西

間壁文昌宮右捕署廢基重建考棚東南西南二隅增

擴民房地址十餘丈爲頭門龍門講堂各三楹川亭一

所後廳九楹廚舍二間東棚二十間西棚兩重四十一

間每間深三丈五尺寬一丈零六寸設棹三檣三編號

四十八座共計坐次二千九百二十八號墻垣周廣一

百零二丈四尺右列巡巷與州署間隔

賓興

道光三年邑紳黃開東勸黃德壽捐田一分每年收稞壹百石二十年首士倪正春童大中等移遠就近除賣後置買礮山何家灣田地

四年楊開泰捐園地二分一分地二石坐落西門外歲豐橋一分地肆石伍斗坐落北門外五眼橋二十年首士倪正春童大中等因置買五柯樹蔡家塆田價不足變賣五眼橋園地一分今存歲豐橋園地二石每年完租

隨州志

卷十一

學校賓興附

六

錢貳拾串

十六年知州馬宏圖因磚臺寺僧勾結捻匪折毀廟基充

入賓興田五石五斗陸地拾伍塊原稞係三十六石查

勘後議定每年完稞貳拾壹石又完稞錢貳拾陸串

二十年賓興公款置買礮山下何家灣田十七石八斗地

三塊每年完稞陸拾陸石 劉全完稞拾石零貳斗伍升 楊世富完稞拾石零貳斗伍

升 朱開明完稞貳拾伍石 李樹磐完稞貳拾石零伍斗

又賓興公款置買五柯樹蔡家塆田十四石三斗每年完

稞六十七石五斗 張文經完稞貳拾貳石 胡兆行完 稞貳拾叁石 張廷羣完稞貳拾貳

石伍斗

二十二年邑紳戴炳輝等捐田一分每年完糧六十石係捐戶自為經手每屆鄉試赴省酌量人數分給

咸豐七年充入周玉豐田拾貳石肆斗坐落南鄉三堰坑每年完糧叁拾柒石貳斗

又充入程思曜田三十七石五斗五升地四塊坐落南鄉張家坑每年完糧壹百叁拾貳石陸斗壹升又完糧錢叁串捌百文二戶共完府八銀叁兩陸錢陸分

八年邑紳萬文洙捐顯風塚田十三石四斗每年佃戶完

隨州志

卷十一

學校賓興附

六五

稞陸拾肆石

余國泰完糧叁拾叁石肆斗龍兆恩完糧叁拾石零陸斗

又捐破河口老陳家灣田地十三石七斗每年佃戶完

稞柒拾五石

魏綿怡完糧肆拾石魏之珍完糧叁拾伍石

又捐塔兒灣廖家灣田地六石三斗佃戶廖志盛每年

完糧貳拾玖石柒斗

又捐浙河街屋宇一所佃戶張長禮每年完租錢肆拾串

以上四項共完辛里三甲銀貳兩玖錢貳分叁釐米柒斗正楚里五甲銀捌錢捌分

右各項賓興除戴氏一分自爲經理外萬文洙捐產呈請首士黃克賢周德昌黃恭典等專管所收租稞分爲三股鄉試一股會試二股 恩科鄉試及應京兆試者酌量辦理程思曜周玉峯充入田產南鄉首士就近輪管會試每名用錢拾伍串鄉試酌給磚臺寺田產比鄉首士就近輪管會試幫錢拾串附入近城賓興首士分發鄉試酌給近城楊開泰捐地與礮山蔡家塆田產城內外首士輪管鄉試酌量發給會試每名用錢拾伍串應順天鄉試者柒串伍百文

隨州志

卷十一

學校賓興附

六

社學

舊志唐縣鎮唐王店濃潭浙河光化舖萬家店殷家店各有義學三間不詳建始何年其序稱明正統元年詔天下府州縣嚴社學不許廢弛成化元年詔民間子弟願入社學者聽宏治中詔府州縣修建社學蕭音安居社學記亦稱創自宏治中司馬李公則唐縣鎮諸學疑皆知州李充嗣建

安居社學舊在安居鎮明宏治中知州李充嗣建嘉靖三十五年知州孫銳擴而新之州人蕭音爲之記稱有堂

室有泮池屋十三楹繼移建西街有屋兩重前爲講堂
後祀先聖再後爲射圃乾隆三十四年署知州紀淑曾
復增建學舍

唐縣鎮社學在中街西有學舍五間

唐王店社學在正街

澗潭店社學在正街

道光四年楊開泰捐田五石每年完糧貳拾石建立社學
於三汊湖

二十五年知州梁芸滋捐錢肆百串置買曹偉田地四石

隨州志

卷十一

學校社學附

七

六斗每年完糧貳拾六石建立社學於城內改申明亭
屋宇爲學舍

二十九年魏之珍捐田五石每年完糧貳拾石建立社學
於城外南關

咸豐五年張開蘭捐田四石三斗五升每年完糧拾肆石
建立社學於城西木瓜園九年詹翹楚移建於府里九

甲

同治七年伍紹周捐田十五石每年完糧陸拾石建立社
學於落里九甲覃家嘴

京城會館

同治五年邑人黎奎照陳崇本嚴拱宸李樹棠江一清等捐銀肆百捌拾兩置買東柳樹井蘄水館屋宇一所改建隨州會館詹翹楚爲之記

典禮

凡遇三大節文武官員俱於前一日朝服習儀至本日厥明各官俱至

上諭亭立通贊唱鳴鼓五通鼓畢通贊唱糾儀官進文武官進俱以次進至丹陛下通贊唱糾儀官贊班衆官排班班齊通贊唱跪叩興文武分東西俱行三跪九叩首禮興散班旁立俟糾儀官行禮畢退

順治十一年定開讀禮節凡遇

詔書至文武官員具龍亭綵輿儀仗鼓樂出郭迎接齋詔生下馬捧

詔書置龍亭中南向齋生立於亭東文武官俱朝服北向行三跪九叩首禮鼓樂導齋生上馬隨龍亭後行至

上諭亭門外文武官分東西俯伏候龍亭至庭中衆官以次入序立齋生立龍亭之東西向贊禮生贊排班樂作

行三跪九叩首禮齋生捧

詔授宣讀生宣讀生跪受詣開讀案前宣讀眾官皆跪聽
宣讀畢宣讀生捧

詔授齋生捧置龍亭中眾官行三跪九叩首禮畢皆退送
齋生回原接所贍黃頒行

經過迎送禮節順治十一年定凡

詔書經過地方官員軍民人等俱跪路旁候

詔過方起康熙二年定

詔書經過地方五里以內文武官俱出城迎送五里以外

隨州志

卷十一

學校典禮附

充

者不許迎送

講約

順治十六年議准譯書六諭令州縣舉行鄉約責成鄉約
人等每月朔望日聚集公所宣講

康熙九年頒

上諭十六條十八年准浙江巡撫所輯十六條直解照依
鄉約全書刊刻各款

雍正二年

御製

聖諭廣訓萬言頒發通行講讀

譯書六諭孝順父母恭敬長上和睦鄉里教訓子孫各安生理無作非爲

聖諭十六條一曰敦孝弟以重人倫二曰篤宗族以昭雍睦三曰和鄉黨以息爭訟四曰重農桑以足衣食五曰尚節儉以惜財用六曰隆學校以端士習七曰黜異端以崇正學八曰講法律以儆愚頑九曰明禮讓以厚風俗十曰務本業以定民志十一曰訓子弟以禁非爲十二曰息誣告以全良善十三曰誠窩逃以免株連十四

隨州志

卷十一

學校講約附

七

曰完錢糧以息催科十五曰聯保甲以弭盜賊十六曰解讐忿以重身命

凡朔望日各官及鄉紳士民齊集至

上諭亭庭中設

上諭龍牌南向向下設講案北向眾官及鄉紳排班行三跪九叩頭禮畢贊禮生唱分班聽講眾官及鄉紳俱分東西席地坐聽士民在階陞立聽贊禮生唱鄉約登壇唱十六條目畢又擇生員宣講各條演義講畢退其各鄉村或遣教官親往集講或該鄉紳衿里老隨時宣講如

式舉行

鄉飲酒禮

順治初舉行鄉飲酒禮設賓僕介主酒席凡以申明朝廷之法敦序長幼之節遂爲定制

雍正元年

諭鄉飲酒禮乃敬老尊賢之古制近聞年久視爲具文所備筵宴亦甚不堪應加謹舉行

主州縣官如無正官以佐貳官代位於東南大賓以致仕官爲之位於西北僕賓擇鄉里年高有德之人位於

隨州志

卷十一

學校鄉飲附

七

東北介以次長位於西南三賓以賓之次者爲之位於賓主介僕之後除賓僕外衆賓序齒列坐其僚屬則序爵司正教職爲之主揚觶贊禮者老成生員爲之凡鄉飲酒禮序長幼論賢良別奸頑其坐席間高年有德者居上高年謹篤者並之以次序齒而列其有違條犯法者不許干與良善之席違者罪以違制敢有誼譁失禮者揚觶者以禮責之

順治二年定每歲正月十五日十月初一日於儒學行鄉飲酒禮前一日執事者於儒學之講堂依圖陳設坐次

司正率執事習禮至日黎明執事者宰牲具饌主席及僚屬司正先詣學遣人速賓僕以下比至執事者先報曰賓至主席率僚屬出迎於庠門之外揖入主席東賓居西三讓三揖而後升堂東西相向立贊兩拜賓坐執事者又報曰僕至主席又率僚屬出迎揖讓升堂拜坐如前儀賓僕介至既就位執事者唱司正揚觶執事者引司正由西階升詣堂中北向立執事者唱賓僕以下皆立唱揖司正揖賓僕以下皆揖執事者以觶酌酒授司正司正舉觶曰恭惟

朝廷率由舊章敦崇禮教舉行鄉飲非爲酒食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生讀畢執事者唱司正飲酒飲畢以觶授執事執事者唱揖司正揖賓僕以下皆揖司正復位賓僕以下皆坐唱講讀律令執事者舉律令案於堂中贊禮生引讀律令者詣案前北向立唱賓僕以下皆立行揖禮如前讀畢復位執事者唱供饌案執事者舉饌案至賓前次僕次介次主三賓以下各以次舉訖執事者唱獻賓主起席北向立執事者

酌酒以授主主受爵詣賓前置於席稍退贊兩拜賓答拜訖執事者又酌酒以授主主受爵詣僕前置於席交拜如前儀畢主退復位執事者唱賓酬酒賓起僕從之執事者酌酒授賓賓受爵詣主前置於席稍退贊兩拜賓僕主交拜畢各就位坐執事者分左右立介三賓眾賓以下以次酌酒於席訖執事者唱飲酒或三行或五行供湯又唱酌酒飲酒供湯三品畢執事者唱徹饌候徹饌案訖唱賓饌以下皆行禮僕主僚屬居東賓介三賓眾賓居西贊兩拜訖唱送賓以次下堂分東西行三

揖出庠門而退